

ASA[®] BOLNICA



MEDICAL UNIVERSITY
OF VIENNA
INTERNATIONAL





Naša misija

Unapređujemo zdravlje i kvalitet života pacijenata pružajući im pristupačne zdravstvene usluge najvišeg kvaliteta, učinkovitosti i sigurnosti, brinući se o njihovim potrebama baš kao da se radi o članovima naše porodice.

Naša vizija

ASA Bolnica svojim fokusom na iskustvo pacijenta i najbolje zdravstvene ishode, te totalnom predanošću kvalitetu i sigurnosti, vrhunskom stručnošću kadra, kao i tehnološkom opremljenošću, model je uspjeha i izvrsnosti u zdravstvenom sektoru BiH i regije.

Temeljne vrijednosti

Naša predanost i svrha vođeni su našim temeljnim vrijednostima. Zdravlje i zadovoljstvo naših pacijenata nam je, i uvijek će biti, na prvom mjestu. Naš visoki standard i profesionalna etika nam nalaže da nikada ne ugrozimo interes pacijenta zbog bilo kojih drugih interesa.



Uvodna riječ



Prva privatna opšta bolnica u Bosni i Hercegovini. Izazov, veliki trud, nova iskustva, motivisani radni timovi, velika želja da projekt uspije i vrhunski ciljevi koje želimo da realizujemo. Visoki građevinski standard, kvalitetna oprema, stručan kadar, sve samo s jednim ciljem — u fokusu je uvijek pacijent i sve je njemu podređeno, s ciljem vrhunske zdravstvene usluge.

Svi zaposleni u ASA Bolnici, igraju važnu ulogu u liječenju i oporavku pacijenata. Posvećeni smo održavanju standarda kvalitetne zdravstvene ustanove pružajući zdravstvene usluge najvišeg kvaliteta, učinkovitosti i sigurnosti.

Prof. Dr. **Mustafa Hiroš**, dr. med.
Direktor ASA Bolnice i voditelj Odjeljenja urologije



ASA Bolnica je prva privatna opšta bolnica u Bosni i Hercegovini. Zasnovana je na savremenim standardima u pružanju zdravstvene njege. Da bi bili u mogućnosti pružiti takvu vrstu njege, pored naših stručnjaka, imamo podršku Internacionalnog Medicinskog Univerzitet u Beču u svim aspektima djelovanja. Tri osnovna stuba djelovanja su briga za majku i dijete, implementacija naprednih tehnologija u medicinskoj praksi i orjentisanost prema pacijentu. Želimo dati svoj doprinos u podizanju kvaliteta, sigurnosti i dostupnosti u pružanju zdravstvene zaštite u našoj domovini i podržati njen dalji razvoj.

Doc. Dr. **Azur Tulumović**, dr. med.
Medicinski direktor ASA Bolnice i voditelj
Odjeljenja ginekologije i akušerstva



Saradnja ASA bolnice i Internacionalnog medicinskog univerziteta u Beču, Austrija

Internacionalni Medicinski Univerzitet u Beču (MUVI) vodeća je međunarodna konsultantska kompanija u području zdravstva, specijalizovana za pružanje rješenja za efikasno upravljanje bolnicama, prijenos znanja i tehnologija te naučnu i istraživačku saradnju.

Internacionalni Medicinski Univerzitet u Beču je među svjetski priznatim liderima u međunarodnom upravljanju zdravstvenim sektorom, pružajući podršku partnerima u planiranju, osnivanju i vođenju bolnica, klinika i akademskih institucija širom svijeta.

Bliska saradnja predstavlja jedinstvenu priliku za ASA Bolnicu i ASA Institut, prednost i garanciju za kvalitet, sigurnost i inovacije.

Bliske veze MUVI-ja s Medicinskim Univerzitetom u Beču, jednim od najstarijih i najvećih medicinskih obrazovnih i istraživačkih ustanova u Europi, pružaju direktan pristup bogatstvu stručnosti i resursima.

Stoga, snaga MUVI-ja leži u njegovoj opsežnoj mreži koja uključuje zdravstvene stručnjake sa Internacionalnog Medicinskog Univerziteta u Beču i njegovih povezanih ustanova, poput Opće bolnice u Beču i drugih visokokvalitetnih zdravstvenih institucija.

Prof. Dr. **Roland Fasol**, dr. med.
Internacionalni Medicinski direktor ASA Bolnice



Dobrodošli u ASA Bolnicu

ASA Bolnica je prva privatna opšta bolnica u BiH koja pruža zdravstvene usluge sekundarne zdravstvene zaštite, te planovima uspostavljanja niza selektovanih zdravstvenih usluga tercijarnog karaktera. Stremimo razvoju centara izvrsnosti i prepoznatljivosti bolnice u sljedećim oblastima:

- Zdravlje majke i djeteta
- Minimalno invazivne terapije u multidisciplinarnom okruženju
- Kvalitet i sigurnost

Osnivanje ASA Bolnice izraz je težnje ka poboljšanju kvaliteta života bh. građana kroz uspostavljanje zdravstvene usluge visokog kvaliteta i sigurnosti.



300 uposlenika



36.000m² prostora



180+ bolničkih kreveta



12 etaža



Moderna ambulantna vozila



Bolnički odjeli



Jedinice bolničke podrške

Bolnička laboratorija

- Medicinsko-biohemijski laboratorij
- Mikrobiološki laboratorij
- Citološki laboratorij
- Patohistološki laboratorij

Odsjek za transfuzijsku medicinu

Bolnička apoteka

Poliklinike

Dermatologija

Oftalmologija

Reumatologija

Neuropsihijatrija



Odjeljenje opće i abdominalne hirurgije

Naš iskusan medicinski tim, savremeno opremljena bolnica i tradicionalan pristup njezi čine Odjeljenje opće i abdominalne hirurgije u potpunosti prilagođeno vama i vašim potrebama. Na ovom odjeljenju ističe se visoka stručnost doktora koji su specijalizirani za širok spektar općih i abdominalnih zahvata. Na odjeljenju koristimo savremenu medicinsku tehnologiju, uključujući i laparoskopske hirurške tehnike. Ova iznimna i personalizirana briga za pacijente obuhvata sve aspekte njihovoga liječenja i oporavka.



Radeći na Klinikama širom Evrope, stekao je znanja iz područja transplantacije jetre (AKH, Beč - Austrija), transplantacije i kardiorakalne hirurgije (AKH, Beč - Austrija) i laparoskopske hirurgije (IRCAD/EITS, Strasbourg - Francuska). Na Univerzitetском kliničkom centru (UKC) Tuzla bio dio tima koji je radio prvu transplantaciju jetre u BiH u Tuzli 2006. godine i dio tima koji je radio prvu laparoskopsku nefrektomiju u BiH.

"Vaše zdravlje kod nas je u sigurnim rukama i na prvome mjestu, od preoperativne pripreme do konačnoga rezultata".

Prof. Dr. **Nedžad Kadrić**, dr. med.
Voditelj Odjeljenja opće i abdominalne hirurgije

Naše usluge uključuju:


- Liječenje želučanog refluksa endoskopski
- Uklanjanje tumora želuca endoskopski
- Laparoskopska apendektomija, gastrektomija, hemikolektomija, holecistektomija
- Pancreatectomija - Uklanjanje dijela ili cijelog pankreasa
- Uklanjanje tumora na crijevima, uklanjanje tumora jetre, tumora pankreasa
- Obrada povreda donjeg i gornjeg digestivnog sistema
- Obrada dubokih rana
- Liječenje upale debelog crijeva, želuca

Odjeljenje vaskularne hirurgije

Odjeljenje vaskularne hirurgije pruža sveobuhvatan pristup dijagnostici, liječenju i praćenju pacijenata sa vaskularnim problemima. Naš hirurrg specijalizovan je za liječenje bolesti krvnih sudova, uključujući arterijske i venske poremećaje. Pored konzervativnih metoda, odjeljenje se bavi i naprednim hirurškim zahvatima, koji uključuju minimalno invazivne procedure i tradicionalne operacije. Kroz individualni pristup svakom pacijentu, težimo postizanju najboljih mogućih rezultata i unapređenju kvalitete života pacijenata.

Naše usluge uključuju:

- Operacije karotidnih arterija (lateralna endarterektomija)
- Elektivne operacije aneurizme trbušne aorte (tube replacement / bypass aortobifemoralis)
- Urgentne operacije zbog rupture aneurizme trbušne aorte
- Operacijski zahvati na arterijama ekstremiteta (ileofemoralni, femoropoplitealni, femorodistalni bajpas)
- Urgentne trombembektomije arterija ekstremiteta
- Operacijske konstrukcije AV šantova za dijalizu
- Operacije varikoziteta donjih ekstremiteta
- Povrede arterija i vena ekstremiteta



Dio svog stručnog usavršavanja proveo je kroz trogodišnju saradnju sa Kliničkim centrom u Ljubljani, gdje je prošao intenzivne treninge pod mentorstvom vodećih stručnjaka, te samostalno izvodi najzahtjevnije hirurške zahvate iz oblasti kardiovaskularne hirurgije. Njegovo područje rada u oblasti vaskularne hirurgije su operacije karotidnih arterija, rekonstruktivni zahvati kod aneurizmi trbušne aorte, bypass operacije na arterijama ekstremiteta te urgentne intervencije u slučaju trombemboličkih stanja.

"Vaši krvni sudovi, naša briga za vaš nesmetani protok života."

Mr. Sc. **Alen Hajdarević**, dr. med.
Specijalista kardiovaskularne hirurgije



Odjeljenje dječije hirurgije

Odjeljenje dječije hirurgije u ASA Bolnici pruža sveobuhvatnu hirušku brigu za djecu i adolescente. Naš stručni tim koristi savremene metode i tehnologije za dijagnostiku i liječenje trauma, hiruških bolesti trbušne šupljine i drugih medicinskih problema. Posebnu pažnju posvećujemo sigurnosti i udobnosti naših pacijenata, uz kontinuiranu podršku njihovim porodicama tokom cijelog procesa liječenja.



Usavršavao se na brojnim međunarodnim kongresima i edukacijama širom Evrope, uključujući edukacije u Holandiji, Austriji, Francuskoj i Turskoj. Svojim stručnim pristupom i posvećenošću prema pacijentima, dr. Milišić je prepoznat kao vrhunski stručnjak u svom polju, posvećen unapređenju dječije zdravstvene njege u Bosni i Hercegovini.

*"Briga za mališane s puno
pažnje i stručnosti."*

Prim. Doc. **Dr. Emir Milišić**, dr. med.
Specijalista dječije hirurgije

Naše usluge uključuju:

- Apendektomija u dječijoj hirurgiji
- Operativni tretman fimoze - cirkumcizija u opštoj anesteziji
- Operativni tretman invaginacije crijeva
- Operativni tretman nespuštenog testisa
- Operativni tretman ukopanog penisa
- Operativni tretman Varikocela

Odjeljenje urologije

ASA Bolnica postavlja standarde u urološkoj njezi, kombinirajući modernu tehnologiju s vodećim stručnjacima. Naša posvećenost istraživanju i edukaciji osigurava da pacijenti uvijek dobivaju najkvalitetniji tretman u regiji. Urološko odjeljenje ASA Bolnice kombinuje naprednu medicinsku tehnologiju i vještine našeg iskusnog tima stručnjaka.

U srcu naše prakse je predanost zdravstvenoj izvrsnosti i personalizovanoj njezi svakog pacijenta. Naš tim se sastoji od više eminentnih urologa posvećenih pružanju vrhunskog liječenja. Pomoću najnovije opreme i težnjom za stalnom edukacijom osoblja, pružamo najmodernije dijagnostičke i terapijske metode u svrhu optimalne urološke njege.

Naše usluge uključuju:

- Dijagnostika: Kompletna evaluacija mokraćnog sistema putem uroloških pregleda, ultrazvuka, cistoskopije, i laboratorijskih pretraga
- Problemi s mokraćnim sistemom kod muškaraca
- Problemi s mokraćnim sistemom kod žena
- Muško reproduktivno zdravlje
- Urološka hirurgija kod muškaraca: Prostataktomija, i drugi klasični i minimalno invazivni zahvati za muškarce
- Urološka hirurgija kod žena: Ureterskopija, kolposuspenzija i drugi hirurški postupci za žene



Educirao se na mnogim klinikama za Urologiju (Köln, Innsbruck, Beč, Klinički bolnički centar Zagreb-Rebro, Klinički bolnički centar Sestre milosrdnice). Posvećenost medicini i bogat radni vijek. Nositelj certifikata za stručno usavršavanje menadžera u zdravstvu, i završen treći stepen zdravstvenog menadžmenta na Ekonomskom fakultetu Sarajevo.

"Kroz brigu o zdravlju, svaki muškarac gradi temelj za dug život, pun snage, vitalnosti i novih mogućnosti."

Prof. Dr. **Mustafa Hiroš**, dr. med.
Voditelj Odjeljenja urologije

Odjeljenje otorinolaringologije



Pregled otorinolaringologa u ASA Bolnici obavlja se uz detaljan razgovor sa našim pacijentima kako bismo što uspješnije došli do najboljeg rješenja. Kod nas možete doći bez straha, jer je briga o našim pacijentima na prvom mjestu, posebno kada su u pitanju naši najmlađi, a često i omiljeni pacijent. ORL pregled je osnovni specijalistički pregled uha, nosa i grla koji se obavlja zbog čestih tegoba i tegoba uha, grla i nosa. Neke od najčešćih otorinolaringoloških bolesti su upalne bolesti uha, grla i nosa, kao i alergijske bolesti, i u ASA Bolnici pobrinut ćemo se da se svaka bolest i njeni simptomi identificiraju što ranije i što bolje kako bi naši pacijenti mogli zdravo i bez problema nastaviti sa svakodnevnim životom.



Educirao se na KBC Zagreb (Hrvatska) i AK Hietzing Beč (Austrija), te Univerzitetskoj bolnici Heidelberg (Njemačka). Stručan u endoskopskoj sinusnoj hirurgiji, endoskopiji uha, liječenju poremećaja glasa i govora.

"Čuvari vašeg mirisa, okusa i sluha"

Mr. Sc. **Hasan Altumbabić**, dr. med.
Voditelj Odjeljenja otorinolaringologije

Naše usluge uključuju:

- Ispitivanje sluha
- Endoskopija
- Sinuskopija
- Tonsilektomija i adenoidectomija za uklanjanje krajnika i adenoida.
- Hirurško liječenje problema sa sinusima
- Hirurško liječenje poremećaja sluha
- Laringohirurgija
- Subtotalna paratireoidektomija i totalna paratireoidektomija

Odjeljenje ortopedije

ASA Bolnica centar je stručnosti u oblasti muskuloskeletnog zdravlja. Naša posvećenost istraživanju i edukaciji osigurava da pacijenti uvijek dobiju najkvalitetnije trenutno dostupne tretmane u regiji. Naši vrhunski specijalisti ortopedije, koriste svoje znanje i vještine kako bi dijagnosticirali, liječili i oporavili pacijente, omogućujući im da povrate mobilnost i poboljšaju kvalitet života. Kombinacijom dostignuća tehnologije u rekonstrukciji zglobova, tretmanima frakture mišićno-koštanog sistema, saniranjem povreda kičme i karlice, endoskopskim i minimalno invazivnim hirurškim tehnikama na koštanom sistemu, omogućuju pacijentima da se vrate svojim svakodnevnim aktivnostima bez bola i ograničenja.

Naše usluge uključuju:

- Pregled ortopeda — spinalnog hirurga
- Repozicije preloma sa imobilizacijom
- Punkciju zglobova i aplikacija lijeka u zglobove
- Regionalne blokade
- Davanje fasetnih blokova pod kontrolom C—luka
- Artroskopska operacija koljena i ramena
- Ugradnja totalne proteze kuka, koljena i ramena
- Operativno liječenje preloma nadlaktice, podlaktice, preloma šake, nadkoljenice, podkoljenice kao i preloma stopala minimalno invazivnim tehnikama
- Operacija skolioze i lumbalne kičme
- Kokcigektomija
- Operacija karpalnog kanala



Radno iskustvo stekao na Zapadu uključuju rezidenciju na UCLA u Los Angelesu, kao i fellowship programe za hirurgiju kičme u Švicarskoj (6 sedmica) i Francuskoj (1 godina, AFSA). Sa bogatim iskustvom u endoprotezi kuka i koljena, kao i u drugim traumatskim i netraumatskim stanjima mišićno-koštanog sistema, ističe se kao stručnjak u svom polju.

"Muskuloskeletno zdravlje je temelj pokretljivosti i vitalnosti".

Doc. Dr. Sc. **Aleksandar Vujadinović**, dr. med.
Voditelj Odjeljenja ortopedije

Odjeljenje fizikalne medicine i rehabilitacije



Fizikalna medicina i rehabilitacija bavi se prevencijom, dijagnostikom i liječenjem stanja koja utiču na funkcionalnu sposobnost pacijenata. Kroz kombinaciju fizikalne terapije, medicinske rehabilitacije i savremenih terapijskih metoda, pomaže u oporavku nakon povreda, operacija i hroničnih oboljenja. Cilj je poboljšanje pokretljivosti, smanjenje bola i vraćanje pacijenata svakodnevnim aktivnostima. Poseban fokus stavlja se na individualizirani pristup, prilagođen potrebama svakog pacijenta. Fizikalna medicina ima ključnu ulogu u unapređenju kvaliteta života i sprečavanju komplikacija povezanih s ograničenom pokretljivošću.



Pravilan rast i razvoj djece za njega predstavlja posebno polje interesovanja smatrajući da uspješnost razvoja leži u kontrolisanoj fizičkoj ili sportskoj aktivnosti. Idejni je tvorac protokola koji koristi Kompjutersku posturalnu analizu, Mobeefit/dinamsku kompjutersku analizu obima pokretljivosti dijelova tijela, Pedobarografiju/kompjutersku analizu statusa oslonca i dinamičkih funkcionalnih testova tzv "B protokola.

"Vratite snagu, povratite život!"

Doc. Dr. **Sc. Edin Buljugać**, dr. med.
Specijalista fizikalne medicine i rehabilitacije
Sportski ljekar

Naše usluge uključuju:

- Human Body Control (HBC) tehnologija (analiza motoričke kontrole u realnom vremenu, identifikacija skrivenih rizika od povreda i personalizovane preporuke za optimizaciju pokreta)
- Fizikalna terapija
- SCHROTH metoda liječenja skolioza
- Kineziotejping
- Kineziterapija za djecu
- Kompjuterska posturalna analiza

Odjeljenje ginekologije i akušerstva

Odjeljenje ginekologije i akušerstva ASA Bolnice nudi visokostručnu brigu za žene u svim fazama njihovog reproduktivnog zdravlja, uz tim iskusnih ginekologa i akušera. Fokusiramo se na prenatalnu njegu, siguran porođaj te dijagnostiku i liječenje ginekoloških stanja, osiguravajući udobnost i dobrobit naših pacijentica. Odjeljenje pruža usluge vrhunske kvalitete sa savremenom opremom, a sve to sa ciljem da postane centar izvrsnosti ove specijalnosti u regionu. Naglasak je na minimalno invazivnom hirurškom zbrinjavanju ginekoloških problema. Fokus je na osjećaju sigurnosti i udobnosti pacijentica. Poseban akcenat je na brizi za majku i dijete.

Naše usluge uključuju:

- Pregled ginekologa
- Kolposkopija
- Operacija jajnika i jajovoda
- Miomektomija
- Liječenje abnormalnih krvarenja
- Kauterizacija genitalnih bradavica
- Praćenje fetusa (Fetalni monitoring)
- Zbrinjavanje problema s grlićem maternice, sa jajnicima, jajovodima, s rodnicom
- Prirodni porod, carski rez, porod forcepsom



Tokom specijalizantskog staža boravio u Općoj bolnici Bafalo u državi New York, SAD i šest mjeseci u Općoj bolnici "Sveti Duh" u Zagrebu, gdje je stekao vještine za samostalno izvođenje endoskopskih procedura (histeroskopskih i laparoskopskih) u ginekologiji. Radio kao konsultant u Muhayil General Hospital i Mother and Child Hospital, Kraljevina Saudijska Arabija.

"Brinemo o očuvanju zdravlja žena i pružanju podrške tokom trudnoće i porođaja"

Doc. Dr. **Azur Tulumović**, dr. med.
Voditelj Odjeljenja ginekologije i akušerstva

Odjeljenje za liječenje neplodnosti-IVF



Naše moderno opremljeno IVF odjeljenje pruža napredne tehnike liječenja neplodnosti kako bismo pomogli parovima ostvariti svoj san o roditeljstvu. Stručan tim doktora i medicinskog osoblja posvećen je individualnom pristupu, pružajući visokokvalitetan tretman i podršku tokom cijelog procesa in vitro fertilizacije. U ASA Bolnici, donošenje odluka o liječenju neplodnosti ključno je za nas. Uspješno dijagnosticirati problem i pružiti rješenje za svakog pacijenta, kako bi se optimizirali rezultati liječenja neplodnosti, fokus je naših stručnjaka IVF odjeljenja. S naprednom tehnologijom i individualnim pristupom, osiguravamo da svaki korak vašeg IVF procesa bude pažljivo vođen kako biste imali najbolje šanse za postizanje uspješne trudnoće.



Od 2016. do 2018. godine radila u New Life IVF Centru kao jedna od ginekologa u IVF oblasti te je aktivno izvodila sve procese biomedicinski potpomognute oplodnje. Tokom profesionalne karijere prolazi kroz obuke u organizaciji svjetskih stručnjaka iz oblasti steriliteta, endoskopske hirurgije, endokrinologije i andrologije. Jedna je od najmlađih i najuspješnijih stručnjaka iz oblasti reproduktivne medicine u ovom dijelu Evrope.

*"Pružamo pomoć u ostvarenju
Vaših snova o roditeljstvu"*

Amela Hodža, dr. med.
Voditelj tima Odjeljenja za liječenje neplodnosti - IVF

Naše usluge uključuju:

- Ginekološki pregled
- Test prohodnosti jajovoda
- Aspiracija ovarijalne ciste
- Terapeutska hidrotubacija (sono HSG)
- Sukciona kiretaža uterusa nakon pobačaja
- Planiranje i upravljanje reproduktivnim tehnologijama
- Pomoćne reproduktivne usluge, uz nestimuliranu ovulaciju ili ovulaciju stimuliranu klomifen citratom
- Pomoćne redproduktivne usluge, korištenje lijekova za indukciju superovulacije
- Usluga praćenja ovulacije, za cikluse sa induciranom superovulacijom i vještačku oplodnju
- Transvaginalno uzimanje jajne ćelije

Odjeljenje pedijatrije

Pedijatrijsko odjeljenje ASA bolnice je mjesto gdje naši predani stručnjaci brinu o najmlađima, koristeći kombinaciju znanja i empatije kako bi osigurali da svako dijete odrasta zdravo i sretno. Mjesto gdje se nauka susreće s osmijehom malih pacijenata, stvarajući nevjerovatno srdačno okruženje.

Odjeljenje pedijatrije je specijalizirano za pružanje vrhunskih medicinskih tretmana djeci svih dobnih skupina, od novorođenčadi do adolescenata. Naš tim stručnjaka uključuje iskusne pedijatre i medicinske sestre i posjeduje zavidnu ekspertizu u prevenciji, dijagnostici i liječenju dječijih bolesti i ostalih zdravstvenih problema, osiguravajući siguran i sveobuhvatan pristup brizi za najmlađe pacijente. Naša predanost dječijem zdravlju i udobnosti čini nas pouzdanim izborom za sve roditelje i ostale koji brinu o djeci.

Naše usluge uključuju:

- Prvi i kontrolni pregled dojenčeta
- Prvi i kontrolni pregled djeteta
- Subspecijalistički pregledi (neurološki pregled dojenčeta, neurološki pregled školskog djeteta i adolescenta...)
- Respiratorna terapija (Inhalaciona terapija, oksigenoterapija kod novorođenčeta)



Školovao se i usavršavao kako u našoj zemlji tako i u inozemstvu na prestižnim univerzitetima. Radno iskustvo stekao u državnim i privatnim bolnicama BiH i zemljama Bliskog Istoka: American Mission Hospital, Maternity and Children Hospital Dammam, Khamis Mushait Maternity i Children Hospital, Kraljevina Saudijska Arabija. Pedijatrijski kardiolog s izuzetnim znanjem i iskustvom u pedijatriji, kongenitalnim i stečenim bolestima srca te neinvazivnim dijagnostičkim postupcima i liječenjem.

*"Zdravlje i sreća Vaše djece
u sigurnim rukama"*

Mr. Sc. **Dario Đukić**, dr. med.
Voditelj Odjeljenja pedijatrije



Odjeljenje gastroenterohepatologije

Stručna ekipa gastroenterologa djeluje kao sastavni dio Odjeljenja interne medicine i posvećena je očuvanju zdravlja probavnog trakta. S najnovijom dijagnostičkom opremom i terapijskim pristupima pružamo personalizirane tretmane.

Brza i tačna ekspertiza naših stručnjaka osigurava sigurnu dijagnostiku i širok spektar terapijskih opcija, uključujući tretmane za refluksnu bolest, sindrom iritabilnog crijeva, cirozu jetre, i mnoge druge bolesti probavnoga trakta, što su sve ključni faktori za uspješno liječenje.



Tokom cjeloživotne edukacije završio je više medicinskih postdiplomskih i drugih oblika treninga: napredni postdiplomski kurs iz endoskopskog ultrazvuka, edukacije iz oblasti endoskopije, gastroenterologije, hepatologije, ultrazvuka, onkologije, gastrointestinalne hirurgije. Radio kao stariji konsultant u Middle East Hospital u Kraljevini Bahrain, te kao stariji konsultant u Bahrain Specialist Hospital.

*"Zdravlje probavnog sistema
ključ je vašeg općeg blagostanja
– slušajte svoje tijelo"*

Prof. Dr. **Nenad Vanis**, dr. med.
Voditelj Odsjeka gastroenterohepatologije

Naše usluge uključuju:

- Liječenje poremećaja povezanih s kiselinom, abdominalne bolove, zatvor i dijareju, sindrom iritabilnog crijeva (IBS) i tretman pretilosti
- Bolesti jetre i žučne kese uključuju: Bolesti masne jetre, hronični hepatitis
- Upalne bolesti crijeva uključuju: Kronovu bolest i ulcerozni kolitis
- Gornju gastrointestinalnu endoskopiju (gastroskopiju)
- Kolonoskopiju
- Endoskopski ultrazvuk (EUS), endoskopsku retrogradnu kolangiopankreatografiju (ERCP), endoskopiju sa nestezijom
- Polipektomiju

Odjeljenje kardiologije i intervetne kardiologije

Interventna kardiologija omogućava savremene, minimalno invazivne zahvate na srcu i krvnim sudovima, smanjujući potrebu za klasičnom hirurzijom. Uz pomoć kateterskih tehnika, liječimo suženja arterija, ugrađujemo stentove i vršimo zamjenu srčanih zalistaka bez velikih rezova. Ove metode omogućavaju precizno i efikasno liječenje, uz kraći oporavak i manji rizik za pacijente. Naš tim koristi najsavremeniju opremu kako bi osigurao vrhunsku medicinsku njegu i sigurnost svakog zahvata. Interventna kardiologija danas predstavlja ključni iskorak u liječenju srčanih oboljenja, omogućavajući pacijentima brži povratak svakodnevnim aktivnostima.

Naše usluge uključuju:

- Implantacija kardioverter-defibrilatora (ICD) za tretiranje opasnih aritmija
- Implantacija resinhronizacijskog pejsmejкера ili defibrilatora (CRT)
- Transkateterska implantacija aortne valvule (TAVI)
- Ugradnja stenta (metalne mrežice) u suženu koronarnu arteriju
- Popravak srčanih zalistaka



Po završetku studija, zapošljava se u Centru za Srce UKCS. Specijalizaciju iz interne medicine i kardiologije završio u "Zentralklinik Bad Berka" u Njemačkoj. U naučno istraživačkom radu je fokusiran na neinvazivnu i invazivnu dijagnostiku koronarne bolesti srca te interventnu terapiju akutnih koronarnih sindroma.

"Brinemo o vašem srcu, jer svaki otkucaj zaslužuje punu pažnju."

Nedim Memišević, dr. med.

Voditelj odjeljenja kardiologije i
intervetne kardiologije



Odjeljenje kardiologije i intervetne kardiologije

Odjeljenje kardiologije ASA bolnice posvećeno je uspostavljanju dijagnozi i liječenju srčanih oboljenja. Okupljamo obučene kardiologe s izuzetnom ekspertizom u oblasti srčanih bolesti i minimalno invazivnih intervencija na srcu, pružajući pacijentima najbolju brigu i terapiju za srčane probleme.

Odjeljenje kardiologije pruža niz dijagnostičkih i tretmanskih intervencija srčanih bolesti i vaskularnih poremećaja. Širok spektar vještina, uključujući interpretaciju elektrokardiograma (EKG), upravljanje koronarnom arterijskom bolešću, dijagnostiku srčanih aritmija i praćenje srčane funkcije. Naši kardiolozi pružaju holistički pristup pacijentima fokusirajući se na prevenciju srčanih oboljenja, putem savjeta o zdravom načinu života, odgovarajućoj prehrani i redovnim kontrolama.



Nakon završenog Medicinskog fakulteta obavila klinički staž u Parizu u L' Hopital Saint Joseph". Usljedila je subspecializacija iz kliničke kardiologije na UKC CHUV Lausanne u Švicarskoj, zatim ACP internacionalni Fellowship/subspecializacija iz naprednih ehokardiografskih metoda na Kliničkom kardiovaskularnom centru, SAD. Radila na prestižnim klinikama kao Univerzitetska Klinika za kardiohirurgiju Charite u Berlinu, te Univerzitetskoj bolnici u Dizeldorfu, na Odjeljenju za transplantaciju srca i LVAD pacijente. Jedini je dobitnik stipendije Švicarske Vlade iz područja medicine, za subspecializaciju iz kliničke kardiologije.

*"Vaše srce nosi vaš život –
čuvajte ga, mi smo tu za vas."*

Mr. Sc. **Šejla Šehović**, dr. med.
Specijalista interne medicine, subspecialista kardiolog

Naše usluge uključuju:

- Preventivni pregledi i savjetovanja
- Kontrolni pregledi
- EKG (elektrokardiogram)
- Holter EKG (24-satni EKG)
- Holter krvnog pritiska (24-satna analiza)
- Ispitivanje uređaja za elektrostimulaciju srca (pacemaker - PM ili defibrilator - ICD)
- Ehokardiografija srca (preko grudnog koša i kroz jednjak)
- Implantacija kardioverter-defibrilatora (ICD) za sprečavanje opasnih aritmija
- Implantacija resinkronizacijskog pejsmejкера ili defibrilatora (CRT)

Odjeljenje radiologije i interventne radiologije

Naše Odjeljenje radiologije i interventne radiologije je opremljeno naprednom tehnologijom za dobivanje i interpretaciju slikovnih podataka, pružajući tako ključne informacije koje pomažu u postavljanju medicinskih dijagnoza, planiranju i izvođenju liječenja. S fokusom na preciznost i brzinu, osiguravamo da pacijenti dobiju najbolji mogući tretman za svoje zdravlje.

Naše usluge uključuju:

- Digitalna subtrakciona angiografija (DSA)
- CT skeniranje (abdomena, kičme, bubrega, pluća, glave)
- MRI (abdomena, glave, grudnog koša, kičme)
- Ultrazvuk dojki
- Rendgenske usluge (abdomena, grudnog koša, kostiju, urotrakta)
- Ultrazvučni pregledi (Color dopler, abdomen, vrat, MSK ultrazvuk)
- CT virtuelna kolonoskopija
- CT virtuelna bronhoskopija



Tokom studija, u okviru strukovnog zvanja, stjecao je iskustvo na klinikama u Barceloni (Španija) i Kuwait City-ju (Kuvajt). Poslednjih 7 godina profesionalno je bio radno angažovan na složenim radnim zadacima kao specijalista radiološke dijagnostike sa posebnim doprinosom oblastima emergency radiology (radiologija urgentnih stanja), neuroradiologije, muskuloskeletne i pedijatrijske radiologije.

*"Slika govori više od riječi –
vaše zdravlje u fokusu."*


Emir Gušo, dr. med.

Voditelj odjeljenja radiologije i interventne radiologije



Interventna radiologija

Interventna radiologija koristi napredne slikovne metode za izvođenje minimalno invazivnih zahvata, smanjujući potrebu za klasičnom hirurgijom. Ove procedure omogućavaju precizno dijagnosticiranje i liječenje različitih stanja, poput suženja krvnih sudova, tumora i unutrašnjih krvarenja. Uz kraći oporavak i manji rizik za pacijente, interventna radiologija značajno doprinosi modernom medicinskom pristupu. Naš tim stručnjaka koristi najsavremeniju opremu kako bi osigurao sigurnost i efikasnost svake intervencije. Ove metode posebno su korisne u liječenju vaskularnih bolesti, onkoloških stanja i hitnih medicinskih situacija.



Angažovan na širokom spektru dijagnostičkih poslova, sa posebnim fokusom na probavni sistem, uključujući kompleksnu gastroenterološku radiologiju. Najveći dio njegovog profesionalnog angažmana posvećen je oblasti interventne radiologije. Kroz edukaciju u vodećim svjetskim centrima stekao je napredna znanja iz endovaskularnih procedura i minimalno invazivne radiologije, koje je uspješno integrirao u svakodnevnu kliničku praksu.

*"Precizno i s minimalnim zahvatima
brinemo o vašem zdravlju."*

Dr. Sc. **Haris Kurić**, dr. med.
Specijalista kliničke radiologije


Naše usluge uključuju:

- Biopsije i drenaže
- Vaskularne intervencije
- Onkološke intervencije
- Bilijarne intervencije
- Urološke intervencije

Odjeljenje anestezijske, reanimacijske i intenzivne medicine

Odjeljenje anestezijske, reanimacijske i intenzivne medicine postavlja standard u brzi i osigurava udobnost naših pacijenata. Obučeni anesteziološki tim koristi u radu napredne tehnike anestezije i postoperativnog oporavka.

Odjeljenje anestezijske, reanimacijske i intenzivne medicine pruža podršku svim hirurgskim disciplinama. Jedinice intenzivne njege i terapije boli, sastavni su dio aktivnosti ovoga Odjela.



Naše usluge uključuju:

- Opšta anestezija
- Regionalna anestezija
- I.v. sedacija za hirurške i endoskopske procedure
- Ambulantna anestezija
- Anestezija u ginekologiji i akušerstvu
- Anestezija za pedijatrijske pacijente
- Anestezija u gerijatriji
- Anestezija za radiološke procedure
- Preoperativna priprema pacijenta
- Postoperativni tretman u Jedinici intenzivne terapije

Specijalizirala anesteziju i reanimaciju, subspecijalizaciju iz pedijatrijske i neonatalne anestezije, te magistrirala i doktorirala Edukacije iz oblasti anestezije i pedijatrijske anestezije u zemljama regije i Austrije (University Hospital Graz). U periodu od 2016 do 2020. radila u Kraljevini Bahrain, kao šefica Klinike za anesteziju i intenzivnu medicinu u Middle East Hospital.

"Vaš miran san je u našim rukama."

Dr. Sc. **Selma Vanis Vatrenjak**, dr. med.
Voditelj Odjeljenja anestezijske,
reanimacijske i intenzivne medicine



Odjeljenje endokrinologije

Odjeljenje endokrinologije ASA bolnice posvećen je pružanju dijagnostike i terapije za endokrine poremećaje. Okupljajući stručnjake iz područja endokrinologije sa znanjem i iskustvom, osiguravamo najbolje moguće tretmane za pacijente s različitim endokrinološkim stanjima.

Naš tim endokrinologa specijalizovan je za dijagnostiku i liječenje bolesti poput dijabetesa, poremećaja štitnjače, poremećaja metabolizma, bolesti nadbubrežnih žlijezda i drugih endokrinih poremećaja.

Posvećeni smo holističkom pristupu pacijentima, naglašavajući važnost prevencije endokrinih poremećaja putem edukacije o zdravim životnim navikama, redovnih pregleda i praćenja pacijenata kroz njihov cjelokupni zdravstveni put. Naš cilj je pružiti odgovarajući tretman i poboljšati kvalitetu života naših pacijenata kroz sveobuhvatan pristup endokrinološkom zdravlju.



Članica Evropskog udruženja Endokrinologa i dijabetologa i Udruženja endokrinologa i dijabetologa Ujedinjenog Kraljevstva, te članica Evropske akademije androloga. Kliničku endokrinologiju magistrirala na Queen Mary univerzitetu u Londonu. Edukaciju i vještine iz oblasti reproduktivne endokrinologije sticala u prestižnim centrima Firenci, Rimu, Solunu i Budimpešti.

"Balans unutar tijela je put ka dugoročnom blagostanju i dobrobiti"

Mr. Sc. **Anida Divanović**, dr. med.
Specijalista endokrinologije i dijabetologije

Naše usluge uključuju:

- Bolesti hipofize: Hormonalna terapija
- Bolesti nadbubrežne žlijezde: Hormonalna terapija
- Reproductivna endokrinologija: Hormonalna nadomjesna terapija za muškarce, žene u menopauzi i reproduktivnoj dobi
- Dijabetologija i bolesti metabolizma: Liječenje komplikacija Dijabetesa 1, Dijabetesa 2, rijetkih tipova dijabetesa
- Bolesti parašitne i štitne žlijezde (Hiperparatireoidizam, hipopartireoidizam): Hormonalna terapija
- Endokrinološke bolesti u trudnoći: dijagnostika, liječenje, terapija
- Farmakološki tretman i nefarmakološki tretman liječenja gojaznosti

Odjeljenje pulmologije

Odjeljenje pulmologije ASA Bolnice pruža sveobuhvatnu dijagnostiku i liječenje bolesti pluća i disajnih puteva. Naš tim specijalista koristi savremene metode za procjenu i terapiju respiratornih oboljenja, uključujući astmu, upale pluća i druge plućne poremećaje. Pulmoški pregledi obuhvataju spirometriju, bronhoskopiju i druge dijagnostičke procedure koje omogućavaju rano otkrivanje i efikasno liječenje respiratornih bolesti. Fokusirani smo na preciznu dijagnostiku, individualiziran pristup pacijentima i primjenu najnovijih medicinskih smjernica, s ciljem poboljšanja kvaliteta disanja i svakodnevnog života pacijenata kroz stručnu i sveobuhvatnu medicinsku njegu.

Naše usluge uključuju:

- Bronhodilatatorni test (Ventolinski test)
- Spirometrija
- Bronhoskopija (terapijska i dijagnostička)
- Opstruktivne bolesti pluća (astma, HOPB)
- Plućna tromboembolija
- Inhalacione i ampularne terapije
- Oksigenoterapija



Radno iskustvo stekla je u bolničkom i ambulantnom okruženju, gdje se bavi dijagnostikom i liječenjem plućnih oboljenja. Njeno područje rada obuhvata funkcionalne testove pluća, ultrazvuk pluća i abdomena, bronhoskopiju, torakocentezu, interpretaciju RTG snimaka i CT toraksa, stadiranje karcinoma pluća, dijagnostiku i liječenje tuberkuloze te interpretaciju EKG-a.

"Dišite punim plućima"

Lina Rayan Demirović, dr. med.
Specijalista pulmologije



Odjeljenje urgentnog zbrinjavanja

Odjeljenje urgentnoga zbrinjavanja pruža usluge 24 sata na dan, 7 dana u sedmici te osigurava brzu i stručnu pomoć s ciljem prepoznavanja, praćenja i početnog tretmana liječenja pacijenata u slučajevima po život opasnih povreda i bolesti. Naš će tim uspješno zbrinuti slučajeve koji zahtijevaju brzu i stručnu reakciju, te obezbjediti dalje bolničko liječenje u ASA Bolnici ukoliko je potrebna medicinska disciplina u okviru registrovane djelatnosti ASA Bolnice u skladu sa opštim uslovima.

Ukoliko nismo u stanju ponuditi dalje liječenje jer stanje zahtijeva viši nivo zdravstvene zaštite, omogućiti ćemo transport pacijenta posredstvom službe hitne pomoći u najbližu adekvatno osposobljenu zdravstvenu ustanovu. Naš iskusni tim specijalista, medicinskih sestara i tehničara, s dubokim razumijevanjem hitnih situacija i širokim spektrom medicinskih vještina, posvećen je pružanju najbolje moguće intrevencije i spašavanju života.



Nizom godina bila angažirana na različitim pozicijama u Ljekarskoj komori Kantona Sarajevo. Završila niz kurseva i obuka iz domena urgentne medicine, edukatorica iz polja urgentnog medicinskog zbrinjavanja. Angažman u radu sa studentima i specijalizantima kao mentorica. Posjeduje edukaciju iz zdravstvenog menadžmenta. Svojim bogatim iskustvom i stručnošću stečenom kroz niz završenih tečajeva i sudjelovanje na različitim konferencijama pruža visoku razinu kvalitete i stručnosti u svojoj praksi (ALS tečaju, ITLS tečaju).

Mr. Sc. **Aida Gavranović**, dr. med.
Voditelj Odjeljenja urgentnog zbrinjavanja

Naše usluge uključuju:

- Tretman donjih i gornjih gastrointestinalnih problema
- Hitni pregled kardiovaskularnih problema
- Tretman problema sa donjim i gornjih disajnim putevima
- Hitni pregled traume i ozljeda
- Hitnih pregled ostalih internističkih problema
- Čišćenje dišnih puteva aspiracijom
- Defibrilacija
- Pružanje osnovnih mjera održavanja života (kompresije i ventilacije)
- Primjena kisika putem lične maske i nazalne kanile
- Hitna stabilizacija pri prijelomima i ozljedama
- Hitna postavljanja gipsa i ortoza

Bolnička laboratorija

Laboratorija pruža različite bolničke i ambulantne dijagnostičke usluge kroz široku lepezu testova za dijagnosticiranje i praćenje stanja pacijenata, uz poštivanje najviših standarda kvaliteta i sigurnosti.

Bolnička laboratorija predstavlja značajnu komponentu svakog zdravstvenog sistema, pružajući informacije i dijagnostičke usluge koje su temelj za postavljanje dijagnoza i praćenje toka liječenja. Naša laboratorijska ekipa posjeduje duboku ekspertizu u analizi različitih uzoraka, a naša predanost je garant preciznosti, brzini i kvaliteti rezultata.



Radila u Sveučilišnoj kliničkoj bolnici u Mostaru, gdje je stekla temeljno iskustvo i znanje koje primjenjuje u svakodnevnom radu. Tokom specijalističkog usavršavanja, veliki dio staža provela je na KBC Zagreb, gdje je radila sa vrsnim stručnjacima iz svoje oblasti i stekla uvid u sveobuhvatne dijagnostičke procedure.

Mr. ph. **Adnana Konjić**
Specijalista medicinske biohemije i laboratorijske dijagnostike

Naše usluge uključuju:

- **Opšta biohemija:**
 - Alergijski testovi
 - Endokrinološki testovi
 - Tumor markeri
 - Vitamini
 - Proteini
 - Markeri upale
- **Klinička biohemija:**
 - Hematologija
 - Koagulacija



Radila na Kliničkom Centru Univerziteta u Sarajevu, gdje je stekla dragocjeno iskustvo i znanje koje danas primjenjuje u svom radu. Vodila je niz domaćih i međunarodnih projekata fokusiranih na problematiku antimikrobne rezistencije, čime je značajno doprinijela unapređenju dijagnostičkih i terapijskih pristupa u borbi protiv ove globalne prijetnje.

Mr. Sc. **Šejla Kotorić Keser**, dr. med.
Specijalista medicinske mikrobiologije i parazitologije

Naše usluge uključuju:

- Laboratorija za humanu genetiku
- Laboratorija za mikološku dijagnostiku
- Laboratorija za molekularnu dijagnostiku
- Laboratorija za serološku laboratoriju
- Laboratorija za parazitološku dijagnostiku

Odjeljenje patologije



Na Odjeljenju patologije ASA Bolnice pružamo vrhunsku dijagnostičku uslugu koristeći najsavremeniju opremu i tehnologiju. Odjeljenje je opremljeno radnim stanicama, aparatima za poluautomatsko mikrotomiranje, automatsko bojenje i pokrivanje preparata, kao i mikroskopiranje uz mogućnost digitalne patologije. Posvećeni smo preciznoj analizi uzoraka kako bismo osigurali tačne dijagnoze i omogućili pravovremenu terapiju, pružajući podršku pacijentima i njihovim liječarima u svakom koraku liječenja.



Pet godina provodi u KB Bihać gdje radi u službi za Patološku anatomiju gdje se samostalno i konsultativno bavi općom, hirurgskom, ginekološkom, urološkom, gastrointestinalnom patologijom te patologijom glave i vrata. U nekoliko navrata pohađao Bryan Warren školu patologije, Bosnian Turkish školu citopatologije, te Kurs Citopatologije štitnjače u Grazu u Austriji.

Mirsad Zornić, dr. med.
Specijalista patolog

Naše usluge uključuju:

- Aspiraciona citologija
- Imprint citologija
- EX tempore analiza
- Izrada patohistoloških preparata standardnom HE metodom uz postavljanje patohistološke dijagnoze
- Specijalna bojenja
- Molekularna patologija



Poliklinika

Poliklinika za Dermatologiju

Dobrodošli u našu Polikliniku za Dermatologiju, mjesto posvećeno zdravlju vaše kože, kose i noktiju. Naši dermatolozi predani su Vašem zdravlju i ljepoti Vaše kože. Pružamo visokokvalitetnu dijagnostiku i terapiju za niz dermatoloških stanja, uključujući akne, ekceme, psorijazu i dermatitis. Osim medicinskih rješenja, nudimo i estetske tretmane kako biste postigli besprijekoran izgled i povratili samopouzdanje.

Poliklinika za Oftalmologiju

Naš oftalmološki tim pruža detaljne preglede vida i dijagnostiku. Koristimo savremene metode kako bismo osigurali tačne i pouzdane rezultate. Pregledi su prilagođeni svim uzrastima i potpuno bezbolni. Redovne kontrole pomažu u očuvanju zdravlja očiju i kvaliteta vida.

Poliklinika za Reumatologiju

Naša Poliklinika za Reumatologiju specijalizovana je za brigu o vašem mišićno-koštanom sistemu. Naš tim reumatologa dijagnosticira i liječi reumatske bolesti koje mogu uticati na zglobove, mišiće i vezivna tkiva. Pružamo terapiju koja vam pomaže suočiti se s bolovima i poboljšava pokretljivost.

Poliklinika za Neuropsihijatriju

Poliklinika za Neuropsihijatriju, mjesto posvećeno brizi o vašem mentalnom zdravlju. Naš stručni tim specijalizovan je za dijagnosticiranje i liječenje različitih mentalnih poremećaja i bolesti. Pružamo psihoterapijsku procjenu, psychoeducacije, savjetovanja i podršku. Naš cilj je unaprijediti vašu psihološku dobrobit i kvalitetu života kroz holistički pristup i individualno prilagođene terapije.




Kvalitet i sigurnost

Savremeno Odjeljenje za kvalitet i sigurnost u okviru ASA Bolnice odražava našu posvećenost najvišim standardima sigurnosti i kvaliteta zdravstvene zaštite za naše pacijente. Aktivno analiziramo podatke kako bismo identifikovali područja u kojima možemo postići poboljšanja. Istovremeno, otvoreni smo za inovacije i promjene kako bismo uvijek bili u koraku s najnovijim trendovima u zdravstvenoj njezi i prilagodili se dinamičnom okruženju.

Naš glavni cilj je konstantno unapređenje kvaliteta njege i sigurnosti naših pacijenata, a naše Odjeljenje za Kvalitet i sigurnost igra ključnu ulogu u tom procesu. Redovito revidiramo i ažuriramo politike i procedure kako bismo ostali u skladu s najnovijim standardima i najboljom praksom u zdravstvenoj zaštiti. Također, često sarađujemo s drugim odjelima kako bismo prepoznali izazove i razvili strategije za njihovo prevladavanje.

Odjeljenje za kvalitet teži JCI (Joint Commission International) akreditaciji ASA Bolnice. Ova akreditacija je prestižna i priznata globalno, a Odjel je posvećen je ispunjavanju visokih zahtjeva u zdravstvenoj zaštiti u vezi s kvalitetom i sigurnošću pacijenata i osiguravanju da pacijenti dobiju izvrstan tretman uz potpunu sigurnost.



ASA[®] BOLNICA





Prednosti ASA Bolnice

Visoki standardi liječenja i praćenje dugoročnih ishoda

Primjenjujemo savremene tehnologije i metode u dijagnostici i terapiji kao i najviše standarde kvaliteta i sigurnosti. Praćenjem dugoročnih ishoda liječenja kroz stručnu saradnju sa medicinskim ekspertima kontinuirano unapređujemo svoj rad.

Saradnja sa vodećim zdravstvenim institucijama

Kroz uspostavljena stručna partnerstva sa vodećim inostranim zdravstvenim institutima u Evropi i svijetu, omogućujućavamo našim pacijentima pristup tretmanima i dijagnostici visoke kompleksnosti.

Akadamski obrazovni programi

Kroz akademsku saradnju sa visokoškolskim ustanovama zdravstvenih usmjerenja u zemlji i inostranstvu omogućavamo stručni napredak našim uposlenicima i pružamo priliku mladim za napredovanje u stručnoj i akademskoj karijeri.

Napredni programi obuke

Programima edukacije i obuke stvaramo inspirativan ambijent koji će motivisati mlade ljude, ali i etablirane medicinske stručnjake, na usavršavanje iz svih medicinskih i drugih oblasti. ASA bolnica će biti mjesto u kojem ćemo podržavati mlade talente i slaviti njihove buduće uspjehe.

Savremeni objekat

ASA Bolnica je opremljena savremenom tehnologijom i projektovana po modernim standardima bolničke njege, što garantuje tretman visoke kvalitete i implementaciju najstrožijih kriterija kvaliteta i sigurnosti kao i pozitivno iskustvo pacijenta tokom boravka i tretmana.

Istraživanje, razvoj i inovacije

Partnerstvom sa ASA Institutom za istraživanje, razvoj i inovaciju težimo uspostavljanju velikog broja naučnih projekata i multicentar istraživanja sa renomiranim institutima iz inostranstva kao i dijeljenje rezultata i zaključaka domaćoj stručnoj javnosti kroz redovne stručne sastanke, radionice i simpozije.



ASA[®] INSTITUT

ASA Institut posvećen je istraživanju, razvoju i inovacijama, saradujući s industrijom i zajednicom, podržavajući domaće i međunarodne istraživače, liječnike, poduzetnike i inovatore u aktivnostima usmjerenim na postojeća i buduća područja stručnosti unutar ASA Instituta.

Značajan prioritet unutar strateškog plana Instituta je povećati kapacitet istraživanja, razvoja i inovacija (IRI) u područjima koja imaju jasan društveni i ekonomski uticaj na regiju. Ključna strateška područja fokusa ASA Instituta za budućnost ima za cilj povezati relevantne odjele i osoblje ASA bolnice sa međunarodnim istraživačkim centrima što će osigurati da se IRI aktivnosti prenose na kvalificirane edukativne programe, s obzirom na našu institucijsku filozofiju obrazovanja utemeljenog na istraživanju.

Sve navedeno ima za cilj poboljšati reputaciju ASA Instituta kao agilnog, odgovornog, kreativnog, inkluzivnog i saradničkog partnera. Realizacija strateškog plana u saradnji s ASA bolnicom, omogućit će ASA Institutu ostvariti svoj izraženi cilj da postane prepoznat kao centar izvrsnosti u regiji. IRI se često promatra kao kontinuum, i mi smo ovdje kako bismo pomogli istraživanju i istraživačima u tom kontinuumu, za dobro istraživača, Instituta, regije, zemlje i društva u cjelini.



Znanje i iskustvo stekla na evropskim i domaćim Univerzitetima, Kliničkim centrima i Centrima za medicinska istraživanja na osnovu čega ima snažnu povezanost sa multidisciplinarnim grupama istraživača, ekspertnim timovima i međunarodnim ustanovama.

"Vjerujemo da prava inovacija proizlazi iz susreta različitih perspektiva, i stimuliramo okolinu koja podstiče saradnju, kreativnost i intelektualnu znatiželju. Radujem se mogućnostima koje predstoje, i sa nestrpljenjem očekujem izvanredne inovacije i napretke koje ćemo postići zajedno."


Doc. Dr. **Sci. Daria Ler**
Direktor ASA Instituta



EUROFARMCENTAR
PRIVATNA ZDRAVSTVENA USTANOVA

Začetak ideje

Eurofarm Centar je osnovan 1999. godine kao rezultat vizije da se stvori jedan od prvih privatnih polikliničkih centara posvećen pružanju kvalitetne zdravstvene skrbi pacijentima. Danas, Eurofarm Centar predstavlja privatnu zdravstvenu ustanovu koja neprestano raste i širi svoje usluge. Ovdje ćete pronaći spoj iskustva, profesionalizma, ljubaznosti, mladosti i zrelosti, usmjerenih na brigu o zdravlju pacijenata.



Pružamo usluge iz široke palete medicinskih oblasti!

ASA Bolnica i Eurofarm Centar su integralni dio ASA Medical zdravstvenog sistema koji kombinuje iskusne stručnjake, najnovije medicinske tehnologije i individualni pristup kako bi pacijentima pružili najbolju moguću zdravstvenu uslugu. Eurofarm Centar se ponosi bogatom tradicijom u pružanju kvalitetnih, efikasnih, sigurnih i pristupačnih zdravstvenih usluga našim korisnicima.



The logo for ASA BOLNICA, featuring the word 'ASA' in a bold, italicized font with a registered trademark symbol, followed by 'BOLNICA' in a bold, sans-serif font.

ASA[®]BOLNICA

Džemala Bijedića 127, 71 000 Sarajevo,
Bosna i Hercegovina

Besplatni broj za pozive iz BiH: 0800 222 55

Za pozive iz inostranstva: +387 33 555 200

Urgentni centar: +387 33 722 502

info@asabolnica.ba

www.asabolnica.ba